

定山堂詩集

定山堂詩集卷十五

五言律詩十一 百二十一首

上元後二夕奉陪栢鄉閣老飲書雲園亭

二首

春夜次古古韻十五首刻燭促成漏三十下

丁亥夏秋與野鶴相聚於吳陵賦詩惜別今

顛毛種種死生患難如度一小劫而卷中

諸名宿亦強半不在人間矣書此以記歲

月

三月十三夜海棠花下 六首

贈魏亮采

同伯紫甫草飲侯仲衡齋中卽席贈同人四首

曉發濠梁車中言懷四首

山行卽事二首

午日王莊旅店次壁間韻二首

寄吳冉渠少府

送楊鄂州職方使安南四首

送宋牧仲別駕

秋暮同瞿菴蛤菴井同社諸子登仁壽寺閣
贈思遠

壽于達六奏

花朝春陰同伯紫免淋椒峯法乳孝阿集黑
窪厥分賦四首

寄懷何雲子觀察

送孫惟一讀學假歸

二首

李望石侍御招集池亭放舟同玉虬作

二首

九日招集茗文貽上諸子黑窰厥登高

四首

八月十一日再同召文諸子集黑窰廠送董

玉虬侍御之隴右分少陵秦州二韻

題魯一少司馬縮本蘭亭

送王蜀隱

仲生招同書雲鶴門及吳客數子遊西山飲

來青亭

四首

次日晨起步洪光寺因登香山臺殿歷碧雲

玉泉小飲歸

四首

花朝過書雲亭館漫成

四首

送魏子存督學楚中

四首

送李召林侍御假歸粵西

二首

冒寒伏枕方擁敝絮深臥聞劉公猷吏部巾
車將發從枕上口占數言志別古人送遠
往往覓消岐路今併臨岐亦不能悒快可

知矣

二首

題聽山圖次茶村韻

二首

出廣渠門送欽我觀南還因同磔子仲調歸
過夕照寺育嬰堂茶話竟日各賦六詩

送鄺無傲還竇南

二首

送徐敬巷侍御視鹺兩淮

四首

贈溫以增世姪

爲座師文忠公之孫

立秋日雨後同子位葉子亦友次德仲調小

集西堂限新秋微涼四韻時玉少以病未

至亦請遙和

四首

送沙定峯兼柬梅村先生

二首

送侯大年返嚳城

研德長公

送苗焦冥鍊師

題譚灌村太史册

送戴杲菴

和曹澹餘少宗伯九日北郊曉行二首

送陳開遠

冬日送汪茗文農部假歸里門四首

嗜退菴爲嚴太公賦二首

嘉平二十三日奉

命至西山諭祭故國學蔣文端公二首

送

定山堂詩集卷十五

姪嘉稽

淮南龔鼎華孝升著

男士稹全較

弟鼎璠孝積訂

士稚

康熙丙午迄

癸丑存簡滿

五言律詩十一

上元後二夕奉陪栢鄉閣老飲書雲園亭二
首

春色先三輔燈光合萬家觴開韋杜曲池漾淺深

霞玉燭歡時令銀箏惱鬢華府中烏莫散留月映
黃麻

其二

上相行春地叅陪興許同繁星爭蠟炬朱火射鮫
宮人壓樓臺上天浮鼓吹中景隣花月夜青瑣度
青驄

春夜次古古韻十五首刻燭促成漏三十下
春日復春風心懸去住同歡宜今夕永交羨古人
窮四海歸遼鶴孤絃賞爨桐河汾門下士將相累

王通

其二

相別且從容相留話古松分飛憐斷鴈遊戲老神
龍風急人思沛圖窮地貢寶十年笳鼓夢催出未
央鐘

其三

千仞豎孤幢能令龍象降雷奔難束峽月大欲吞
江老至餅恒罄吟成鼎自扛古來名士傳管華不
曾雙

其四

還家皂帽遲隱矣，詎文之東海一以蹈北山誰敢
移處能稱遠志歸，及贈將離獨有客星耳。歲星安
可爲

其五

緇衣改素衣，歸計可成歸。人向干山去，心兼萬事
違。柴扉身世穩，藥石舊遊稀。竟作梁鴻好，要離亦
許依

其六

泝水記陳餘東流西上魚天藏亡命客鬼痛絕交
書牀下鳳雛拜蘆中漁父居回頭指黃閣解印去
何如

其七

爭將部黨呼龍性有申屠濁世人難臥清流勢本
孤蒿深迷老屋梅凍激新柎醉揖荆軻去長歌拂
湛盧

其八

春樹萬行齊春帆一片低安排紫騮馬醉倒白公

定山堂詩集

五言律詩

卷十五

堤埋照鍾堪荷俠遊糧不齋讓他五陵市金翠湧
雕題

其九

畏路溷莊諧歸乎與子偕澆來干日酒乞得二疎
骸繞樹方驚鵲聞聲已避豺青春林壑下阿閣望
邕階

其十

花向白頭開人驚萬里來有春須小住不死是深
杯盡放山川眼纔知絲竹哀百年湯沐淚休灑犬

風臺

其十一

花路總荆榛，扁舟事已真。
老增農圃學，天喜醉眠人。
聞見消山鬼，風波鍊谷神。
何關兒女事，樂亦避千春。

其十二

燈火細論文，天涯合暮雲。
最憐街鼓亂，頻許故人聞。
渭雨愁三疊，春鷗炯一羣。
汝南鷄莫唱，勞苦舞諸君。

其十三

遺事問開元應銷花月魂人隨今雨別心老舊交
門短筑悲堪和春星醉不昏得歸天浩蕩文網息
排根

其十四

身許朔風寒綈袍豈耐看窮愁非桂玉天地此珠
玕海鶴垂雙翅沙駝聳一鞍紅塵人滾滾岐路幾
回難

其十五

閒日且同閒，還山勝買山。幽蘭如可佩，小草竟須刪。
嵇呂人千里，巢由水半灣。柴桑籬落下，珍重菊華斑。

丁亥夏秋與野鶴相聚於吳陵賦詩惜別今
顛毛種種死生患難如度一小劫而卷中
諸名宿亦強半不在人間矣書此以記歲

月

二十年來淚青燈話斷蓬寒心霑酒後奪命著書
中歌嘯衰難止家山路轉窮全身非細事行矣慎

傷弓

三月十三夜海棠花下

且復牽衣住春兼人別時對花今盡放不醉欲何
之共望紫絲幕如排赤羽旗青溪真在眼紅雨小
姑祠

其二

阮籍狂聊爾文通別黯然花濃原似霧月淺只如
烟老愛聞吳詠歸容過酒泉夜闌還促坐蜂蝶不
曾眠

其三

草色金臺碧，鄉心玉腕驕。
人分三月絮，花隱一重綃。
且挾荆卿酒，同澆豫讓橋。
五陵衣馬外，春事未全消。

其四

主歡賓既醉，不問夜如何。
春好留深酌，悲來發浩歌。
風前紅燭淚，舍外白鷗波。
車馬青門道，行行有礪阿。

其五

定山堂詩集

五言律詩

卷十五

月更中宵好花同錦燭然移來安石墅惱殺杜陵
天客夢迷春艸歸裝窘研田怪他銀漢路小別不
經年

其六

衆香花是國一臥醉爲家已判如泥飲愁迴貫斗
槎春江人罷戰石畝夢燒畬去矣能相念還逢下
澤車

贈魏亮采

河朔今才俊如君門第稀披帷明月舉抽翰彩霞

飛掌故傳臺閣心知託布衣
韋賢經學重真自薄
輕肥

同伯紫甫草飲侯仲衡齋中卽席贈同人四
首

竟呼人作黍今夜客能來白苧
三吳艷青燈一雨
開鄒枚梁苑賦瓊琬世家才且復
牽衣坐明星下
此杯

陳子萬

陽羨佳公子相逢梁孝園
才因羈旅見家有賜書

存黨錮留華胄詩名競哲昆飛騰年少意安可滯
彝門

侯彥明

小弟傳書至平原有故人雲霄存一飯金石自于
春名是烏衣重才堪憤鼻貧謝公能述祖何用歎
沈淪

徐恭士

曾讀侯生傳知君伯仲名此來初伏軾奇士竟班
荆身世難屠釣文章散甲兵十年龍臥穩處士不

虛聲

曉發濠梁車中言懷

淮水東流去，青山送客歸。
遙天明獨鳥，晴日改征衣。
草映村帘綠，花經社鼓飛。
連宵涼露下，朝市語全稀。

其二

北來塵十丈，此地淨飛沙。
石路連山滑，茅檐帶樹斜。
心枯甘草木，歲往急桑麻。
飽識勞薪味，吾生亦有家。

其三

一曲一方塘，延緣荻葦長。
隴寬知犢健，波定信鷗忘。
野箔蠶眠過，人家麥粥香。
蒼然平楚畫，隨意點

山莊

其四

逝矣真堪惜，歸與行且休。
病應扶藥圃，貧亦乞瓜丘。
簞冷垂虹雨，門開射鴨秋。
得閒身竟足，敢望減征求。

山行卽事

密樹成村落高低綠一圍那期幽鳥路真許朔鴻
飛亂石穿蒼耳疲驢怯翠微風塵迴首望險仄豈
巖扉

其二

竟日羣山內層雲鬱百盤不因彈指到豈信息肩
難徑轉前林失天凌午壑寒平陂何可料大化總
波瀾

午日王莊旅店次壁間韻

野店濠梁上菖蒲幾葉新馬蹄吾已老燕語自呼

弄俗美粉榆土天留戰伐民勿嫌村酒薄容易醉
歸人

其二

歷盡紅亭路山山杜宇啼艾符纔剪虎桑樹正鳴
雞絲續池塘夢囊餘藥物題十年流浪恨猶自咽
前溪

寄吳冉渠少府

季重才名盛京江風物優詩成新菡萏官逼五驩
駟臥閣凌千尺談天小十洲更傳高韻在憑軾訪

林丘

冉渠下車卽
訪江如子翥

送楊鄂州職方使安南

絕域宣威信論才將相同楚人今陸賈漢殿一楊
雄徑責刑牲約無勞汗馬功高牙諸大帥鳴鏑正
當風

其二

曾借嫖姚箸昆明數拓邊親聞諸父老流涕說戈
鋌千羽原無外琛球已有年驅馳詢萬里牛犢幾
春田

其三

袞繡天家出恩波擁傳新使星懸北斗侯國重王
人獻納封囊切山川聚米真籌邊資大計叅佐最
情親

其四

將車欣過里叱馭勇何辭子舍王尊得天心汲黯
知珠官垂橐路銅柱息肩期禁闥歸應早遐方倚
察眉

送宋牧仲別駕

疇昔過梁苑，群賢接軫遊。
臨風懷宋玉，明月滿黃州。
政靜凝香榻，天開負米樓。
飛騰行自愛，相業汝家優。

秋暮同瞿菴蛤菴并同社諸子登仁壽寺閣
便與人間異，空庭得老秋。
地連沙路濶，天使夕陽留。
龍象初開社，雲霞共倚樓。
頻來雙樹下，問法亦風流。

贈思遠

蘇門鸞鳳後，長嘯復孫登。
巖轉雙眸電，心清一壑

冰隱居深歲月道力勇飛騰采藥容携手吾衰足
尙能

壽于達六表

西園飛蓋夜東第角巾秋家爲賓朋減名兼俠隱
收笑談天下士勲業五湖舟莫惜同華髮長歌上
酒樓

花朝春陰同伯紫兔牀椒峯法乳孝阿集黑
窰廠分賦四首

冶遊須并日何惜玉驄斜忽報三更雨真憐半吐

花薄雲開午慢幽，屐試平沙且復成。
良會歡多減鬢華。

其二

歲歲長安陌，暄遲負柳條。
萍逢惟數子，花發又今朝。
雜坐侵芳艸，狂呼倚碧霄。
臺空尙蕭瑟，相勸酒如潮。

其三

天近浮宮樹，冰消綻渚蘋。
樽前堪白袷，物外此青春。
烟景千林夕，江湖一坐人。
含情各吟嘯，飛動不

無神

其四

孃孃清歌半迢迢
夜色沉驚呼來好月披豁到層
陰巷柝殘鴉亂風燈急鼓侵還期
同步屨晴墅更
花深

寄懷何雲子觀察

江國行驄馬班心指鳳麟一持關隴節頓積漢廷
薪車暫停休汝文應老過秦幾時簪更盍舊雨慰
情親

送孫惟一讀學假歸

京雒風塵地急流君遽歸名懸黃閣待心傍碧山
飛叢桂秋應長南星落漸稀故人如問訊吾亦夢
漁磯

其二

江淮沉陸後丘壑事何如但愛幽居穩無妨生計
疎屐常開別墅書合著河渠青眼金溝柳還迎四
望車

李望石侍御招集池亭放舟同玉虬作

臨流移錦席館宇漾遙層風扣隨船柳天圍隔岸
燈人家紛翠靄朝市此空澄歌罷呼明月重來一
醉能

其二

地僻閒驄馬波寬縱白鷗四隣俱在水一夜獨知
秋仙舫龍門得鄉心蟹舍浮諸方災肯定絲竹一
消愁

九日招集茗文賒上諸子黑窰廠登高

聊復爲懽耳扁舟吾欲東鄉心隨落葉老客漸飄

蓬絲竹秋星下，關河過鴈中。
茱萸須細把，惱殺燭花紅。

其二

偶然槐柳市人外，得疎籬雨過荒臺。
拆天寒皂帽，知秋憑霜菊送酒，并
鱗螯持莫借淹歸，析狂歌路不岐。

其三

去天纔尺五，韋杜古城南。
埜樹隱殘寺，夕陰搖遠潭。
荆高能痛飲，王謝總清談。
慙愧雙蓬鬢，年年此

盍簪

其四

無事卽丘壑愛山難買山安能九日醉竟與孤雲
還林月已復出棲鴉如此閒流年感羈宦相勸長
開顏

八月十一日再同茗文諸子集黑窰廠送董
玉虬侍御之隴右分少陵秦州二韻

秋向青門落涼風滾白沙故人初去國羈宦幾還
家隴樹連雲直花驄駐日斜輕肥爭過眼一任五

陵誇

其二

送客高臺上分攜望汝歸一官因道拙萬事較身
微霜雪餐休減關河鴈不稀灞陵回首處應憶月
華圍

題魯一少司馬縮本蘭亭

欲識銀鈎巧須看玉枕稀古人今復作大雅共知
歸懷袖攜花滿龍鸞挾墨飛鷗波清賞後珍重妙
香圍

送王蜀隱

又作燕臺別紅亭花正飛
心隨垂柳折春許故鄉
歸客興當杯發高吟與俗違
從來天下士康濟起巖扉

仲生招同書雲鶴門及吳客數子遊西山飲
來青亭

始悔頻年悞巾車
懶便休山應蠲客病
老更急春遊
茆屋晚歸犢谿橋晴戲鷗
得閒兼對酒此坐不能愁

其二

古澗猶殘雪，枯崖幾亂松。
河山留曠遠，蒼翠任疎濃。
寺入斜陽好，峯連野霧重。
憑高何限感，恰到天鐘。

其三

雜坐春星下，風高竟不寒。
歡知謀物外，話已判更闌。
月黑親紅燭，天空響碧湍。
頗防朝市覺，分眼到林巒。

其四

水調聞絲管山公倒接離十年空旅贖萬事只花
時未了青仍在能來醉莫辭紅香寒食路那可負
金羈

次日晨起步洪光寺因登香山臺殿歷碧雲
玉泉小飲歸

又是佳風日晴山淨曉烟盤空穿岫出倚樹攬雲
眠地穩旋螺上身平健鶴前下方羣籟定笙笛曩
諸天

其二

階沉殿角翠壁剗天

門磴仄殘鐘院烟低過雨村蒼茫龍象泣未改法
王恩

其三

徑引春流曲亭涵碧篠疎丹樓樓怖鴉芳沼鏡文
魚恩澤中涓擻金錢少府慮鶴歸華表問玉椀定
何如

其四

共指雲泉勝休論書景斜珠跳千片雪香汎一瓢

花選石傾殘酒分
陽坐淺沙籃輿來往熟乘輿卽
山家

花朝過青雲亭館漫成

但坐春風裏無花亦自香
芳菲偏此會遊冶卽吾
鄉鶯語行零亂鷗波漸渺茫
劇憐天氣好忍耐送
斜陽

其二

竟日歡非易流連况夜闌
一閒知候改萬事且川
觀高閣山全到春星坐不寒
分明紅燭下花路雪

初乾

其三

日有江南夢銅坑已落梅那堪迴鴈地爭望早花
開薄醉鳴絃動輕風白袷來酒罇逢俠少衣馬亦
多才

其四

是日
駕幸南海子

六飛熊館出碧草競芳年春爲宸遊麗心從輦路
懸時平開老眼病起得花天珍重青驄騎垂楊裊

玉鞭

送魏子存督學楚中

三楚并州路因君感昔游
兵戈曾送日風物幾經秋
橐筆生徒減綠江燧火收
相逢諸父老吾夢在黃州

其二

地濶江山好移舟問渚宮
郢人惟白雪宋玉本雄風
香草千春碧藏書八索上
塞帷如訪俗先禮鹿門翁

其三

舊日成都去題詩寄草堂文成堪喻蜀才大一浮
湘估舶夔門下江聲峽路長連年樞府佐籌策滿
荆襄

其四

心孝高門後如君復幾人清時能宦達名士豈風
塵歡久難爲別裝輕勿厭貧他時重對酒還憶此
日親

送李召林侍御假歸粵西

丁接英游席雲霄一鳳看生難逢 聖主人足重

官對酒覘風采論心得歲寒眠餐行自愛孤柱
危瀾

其二

焉都亭出人稱一壑冰纔歸丹仗內數有皂囊
昔道李元禮鄉思張季鷹共知旃厦意側席望

竹也

冒寒伏枕方擁敝絮深臥聞劉公馘吏部巾
車將發從枕上口占數言志別古人送遠
往往魂消岐路今併臨岐亦不能悒快可

知矣

荆君行路無緣酒細傾艱難信吾道慷慨歌劉
羽論素交里衡材穎水清回看風雨急何限歲

其二

落南星久君行益又稀雪霜裝竟薄貧賤士何
官好須兼隱名高豈易歸重來開藻鏡爲我問

磯

題聽山圖次茶村韻

曲曲引前溪層層烟樹迷山從青靄聽門傍白階
低日落喧漁艇風清洗戰輦遙憐杜陵叟得句浣
花西

其一

地僻三間屋人如萬壑冰彈琴叢桂發闔戶小童
應幽客憑歌嘯藏書足寢興但愁羔鴈盛逸興不
容乘

出廣渠門送欽我觀南還因同槩子仲調歸
迴夕照寺育嬰堂茶話竟日各賦六詩

憂樂中年過心輸物外遊三間誰老屋萬事總危
樓白社閒難買黃塵夢已稠且須畱竟日烟景遠
林收

其二

何地無丘壑生涯競遠遊漆燈今白骨花月舊朱
樓有感山陰事人逐悲歡老仙驚塚墓稠逃禪兼習懶
湖海一帆收

其三

但坐宜踈豁應忘觸熱遊心容空午榻地欲湧飛

樓乳燕棲無定新蟬語漸稠安能來急雨蔬圃綠
全收

其四

飽聞活世話曠若鈞天遊惡客此迴駕夕陽初上
樓刀圭天不厭兵火命仍稠慧業多生累蒼蒼古
德收

其五

得意卽寥廓寧須溟滓遊對揮松際塵如結雲中
樓野水眠鷗穩平沙過馬稠五陵鬪車騎日落未

曾收

其六

東阡與南陌猶記少年遊歲月鳥雙翼客心花一
樓津梁知佛苦山水望人稠預理蓴絲約西風及
蓴收

送鄭無傲還嶺南

十四春星換珠江百重回蓬經千嶂轉花記一帆
開啣袖新詩滿披帷舊雨來過逢能幾日惆悵玉

珂催

其二

對酒程農部

謂周量

年年說故人浮雲連嶺嶠幽屐

試風塵各老分攜鬢難閒聚集身歸舟過倦圃

秋嶽

園名一為感勞薪

送徐敬菴侍御視鹺兩淮

十六年中事英游共歲寒風波吾世習朋友宦途
看客思三眠柳天心九畹蘭臨分笳吹發雲際下
鷓鴣

其二

諫草騰交戟，心輸讜論頻。
風霜能活世，冰雪不謀身。
賈董言方用，黃虞俗易淳。
御屏恒屬目，親記皂囊人。

其三

江淮災疊告，鹽筴計何如。
國倚連檣估，人經竭澤漁。
諸方延頸詔，使者察眉書。
膏雨浮歌吹，行行聽馬初。

其四

隋堤冠蓋路，賓客勝游同。
月似南樓滿，江從北固

通平生歡醉李

謂秋
嶽

踪跡感飄蓬相見詢羈宦秋

帆擬趁風

贈溫以增世姪

爲座師文
忠公之孫

入座驚文采翩翩丞相孫青箱知祖德白首望恩
門名自南金重情慚北道敦辛來茗雪水珠璧耀

臨軒

甲辰庚戌鼎元皆出吳興
而庚戌復得第二人尤奇

立秋日雨後同子位璧子亦友次德仲調小

集西堂限新秋微涼四韻時玉少以病未

至亦請遙和

舊交顏面好一見一回新對此閑中酒都如物外人清礎催鬢急亂葉攪心頻莫便傷搖落悲歌亦騁神

其二

門無萬里客誰話五湖秋南鳥安雌伏西風警薄遊波瀾原覆手花月肯埋頭曠望層陰外吳雲碧到樓

其三

飽識勞薪理浮名日以微鷗輕機事覺驥老壯心

非懶病堅高枕寒星眷布衣江淮秋漲歇詎待買
山歸

其四

何地容清夜銅街戍鼓涼腸隨行雁斷方有仲弟之感漏
付野蛩長剪燭畱今雨攤書發古香底須更陶寫
挾瑟上虛堂

送沙定峰兼柬梅村先生

婁東吳祭酒雲外尺書來說汝楊雄賦攜登郭隗
臺藏山名士業入雒古人才每見文章進風簷喜

一開

其二

高閣斜陽裏題詩爲送秋跡竒名姓換客久雪霜
凋車上誰張祿人間問馬周因風報舊雨老懶漸
知休

送侯大年返膠城

研德長公

樽酒金昌後人琴愴客情邠堪遊子騎復傷早鴻
行家學傳南史歸裝感北征未須劉峻論吾自愧
侯生

送苗焦冥鍊師

鍊真湯沐地鶴翥復熊經海上攀瑤草人間識歲
星入關浮氣紫煑石映眉青又抱黃庭去芝房烟
霧冥

題譚灌村太史冊

大雅寒河地論交夙世親英游今接席遺事一霑
巾東觀璠璣重南星縞帶真由來康濟業多屬曠
懷人

送戴杲菴

命駕來千里，清秋落葉翻。
遙憐張翰鱸，正傍戴顓園。
雙屐青門健，三茅丹竈存。
故人衰慙意，歸日與君論。

和曹滂餘少宗伯九日北郊曉行

遊屐當秋健，難逢晦節晴。
薄雲開野色，偶暇感勞生。
物態群鷗戲，鄉心一雁聲。
鬢毛衰颯極，慙傍玉山行。

其二

計豈尊罍左，身猶馬稍前。

是日武關校射

雲霞千嶂路，車

定山堂詩集

卷之十

七

穀五陵烟寒事催霜
蒞清歡減盛年心空丘壑見
獨數謝公賢

送陳開遠

路指龍岷去元龍復臥龍
驚沙圍斷柳殘日下寒
松人對水壺陵書催凍墨濃
應門誰報客惜別未
從容

冬日送汪君文度部假歸里門

疏秋纔入雒勇思古人
稀乍喜南星合偏衝朔雪
歸臥龍才自火金馬
鞭恒微誰畫離亭色孤心玉

笛飛

其二

歲寒吾道在何事不浮雲風急千林暮江空一雁
聞閒情東海釣大藥北山文慧業兼名士行藏總
逸羣

其三

扁舟曾載鶴此度復蕭然書就真完福官輕亦風
緣鹿門鋤菜地虎阜汎花船丙舍躬耕後稀疎任
嬰烟

其四

小別無多惜懸期對引盃青山頗寄語白首及春
回同病憐枯樹頻年負遠梅倦還原可樂未望盍
簪來

嗜退菴爲嚴太公賦

浮玉開圖畫烟霞割半扉少微吳地曜芳莖楚臣
衣庭長新書帶家臨舊釣磯彤庭雲五色偏望白
雲飛

其二

尚記居巢長睢陽抗節年悲猶纏父老報已食皇
天萬事看山杖群鷗載酒船青門安大隱端不愧
前賢

嘉平二十三日奉

命至西山 諭祭故國學蔣文端公

巾車凌曉出石路逼陰寒斷柳沙全凍殘峰雪未
乾 國恩優故劍歲事警辛盤尺五青門外鄉雲
滿眼看

其二

經歲西郊約朋游阻隔城青林踈舊識黃紙笑徵

名

諭文自註
臣某名銜

桐酒齋廚熟茆檐芋火生病餘衰懶

極天遣看山行

送于遠還雲間

比屋同霜雪歸期及早秋客星燕市出農雨潞河
收世總稱羨被人多感范舟鹿門相慰藉應悔賦
登樓